

RESOLUCIÓN da Dirección Territorial da Coruña da Consellería do Mar, pola que se publica a embarcación seleccionada para o outorgamento da modalidade de solénidos ao abeiro do plan de xestión para o recurso específico solénidos, modalidade a mergullo en apnea e con subministro de aire dende a superficie, da Confraría de pescadores de Noia

Antecedentes

1. A Orde do 19 de decembro de 2024 aprobou os plans de xestión para recursos específicos e algas en Galicia para o trienio 2025-2027. (DOG Núm. 251, de 31.12.2024).

De conformidade co expediente de aprobación do plan de xestión para o recurso específico solénidos (PE410A 2024/29-1), modalidade a mergullo en apnea e con subministro de aire dende a superficie, da Confraría de pescadores de Noia (en adiante a confraría) estableceuse un número máximo de oito (8) embarcacións con dezaseis (16) persoas mergulladoras habilitadas con dereito a cota para o trienio 2025-2027 e un número máximo de dúas (2) habilitacións/embarcación.

Na actualidade o número de embarcacións con solénidos no permiso de explotación autorizadas para participar no plan é de sete (7) embarcacións e catorce (14) persoas mergulladoras con dereito a cota.

2. O 20.11.2025 este departamento territorial comunicou a proposta á Confraría de pescadores de Noia para proceder á convocatoria dun proceso selectivo para o outorgamento da modalidade de solénidos a unha (1) embarcacións con dúas (2) cotas para persoas mergulladoras.

Nesta comunicación outorgábaselles un prazo de tres (3) días para que presentasen as observacións que considerasen oportunas e que de non recibir resposta no prazo sinalado entenderíase como positiva a proposta realizada por este departamento territorial. O 20.11.2025 a entidade responde amosando a súa conformidade coa proposta deste departamento territorial.

3. O 25.11.2025 esta dirección territorial ditou a resolución pola que se convocou o proceso selectivo para o outorgamento da modalidade de solénidos a unha (1) embarcación coa única asignación posible de dúas (2) cotas de captura para persoas mergulladoras para o exercicio da actividade extractiva no ámbito do plan de xestión de solénidos da Confraría de

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal



pescadores de Noia e estableceu un prazo de 15 días hábiles para a presentación das solicitudes.

4. O 12.03.2026 esta dirección territorial ditou a Resolución pola que se aprobou a lista provisional de puntuacións das embarcación admitidas no proceso selectivo para outorgamento da modalidade de solénidos ao abeiro do plan de xestión da Confraría de pescadores de Noia , e as embarcacións excluídas do proceso. Nesta resolución outorgouse un prazo de 15 días hábiles, contados a partir do seguinte da publicación, para que as persoas interesadas presentasen as alegacións que considerasen oportunas.

5. Transcorrido o prazo anterior as seguintes persoas armadoras aspirantes presentaron alegacións ás puntuacións provisionais outorgadas pola Resolución de 12.03.2026 desta dirección territorial:

- O 24.03.2026, a persoa armadora da embarcación MAR NEGRO (CO-7 - 3069) amosa a súa desconformidade coa puntuación outorgada á súa solicitude nos apartados:

-B1: Experiencia profesional do armador, xa que segundo indica estivo enrolado como mergullador no Barco SALERO, que ten o recurso específico de solénidos, e que coa solicitude de participación no proceso selectivo achegou a documentación que o acredita.

-B.5: Formación da persoa armadora, xa que coa solicitude de participación no proceso selectivo achegou a documentación dos títulos que posue.

Ao mesmo tempo manifesta que *no baremo indican que non se terán en conta os méritos de formación e experiencia profesional cando algunha das persoas seleccionadas sexan armadoras ou propietarias de outras embarcacións que xa posúan a modalidade de recursos específico no permiso de explotación.*

No meu caso aínda que son armador explotador da embarcación Salero, que ten o recurso específico, non son armador propietario, polo que o armador propietario pode en calquera momento dar por finalizada a Cesión do Pérmex (xa que lle pertence o barco e non a min).

- O 06.04.2026, a persoa armadora da embarcación NANO (CO-7 - 2458) amosa a súa desconformidade coa puntuación outorgada á súa solicitude no apartado:

-B.6: Ter mulleres enroladas, xa que considera *que tendo en conta o informe de tripulación a bordo aportado e vendo que ten unha persoa de xénero de feminino (...)* dende o 6 de outubro de 2025 ata a data da convocatoria, 26 de novembro de 2025, e revisando as vendas diarias dese período non está de acordo ca puntuación obtida de 0 puntos.

Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia determina nos seus artigos 26 a



30, o procedemento para a obtención da modalidade de recursos específicos no permiso de explotación da embarcación.

2. O proceso selectivo para o outorgamento da modalidade de solénidos, de acordo coa resolución do 25.11.2025 desta dirección territorial, realízase para unha (1) embarcación con dúas (2) cotas de captura para persoas mergulladoras.

A admisión de trece (13) solicitudes de embarcacións da entidade en relación ao número de prazas convocadas, fai necesario establecer unha orde de prelación e por tanto proceder á valoración das solicitudes para puntuar as ditas embarcacións para a súa selección e outorgamento da modalidade, de conformidade co punto A.1 de Criterios xerais do anexo I da Resolución do 4 de maio de 2016 da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específico no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro.

3. As solicitudes admitidas valoráronse de acordo co baremo aprobado pola Resolución do 4 maio de 2016, da Dirección Xeral de Desenvolvemento Pesqueiro, modificada pola Resolución do 18 de maio de 2020.

4. Na base 2.1 do anexo A da Resolución do 25.11.2025 desta dirección territorial pola que se convocou o proceso selectivo establécese que o departamento territorial publicará unha relación provisional indicando a puntuación acadada por cada unha das embarcacións aspirantes e persoas armadoras. Así mesmo, nesta relación recolleranse as embarcacións e persoas excluídas do proceso e as causas de dita exclusión. A dita Resolución ditouse o 12.03.2026.

5. A base 2.2 do anexo A da convocatoria establece que unha vez finalizado o prazo de presentación de alegacións e analizadas estas, o departamento territorial ditará a resolución coa relación definitiva das embarcacións seleccionadas e persoas armadoras, así como das non seleccionadas. A relación definitiva das embarcacións seleccionadas e persoas armadoras realizarase con base no número de tripulantes con certificación profesional con pretensión de enrolar indicado na solicitude pola persoa armadora. Dita resolución será exposta nos lugares e cos mesmos efectos que os previstos no punto 2.1.

6. Revisadas as alegacións presentadas e a documentación aportada, acórdase non modificar as puntuacións provisionais outorgadas de acordo ás seguintes motivacións:

- Desestímase a alegación da persoa armadora da embarcación MAR NEGRO (CO-7 – 3069).

A Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de



xestión de recursos específicos, establece no apartado A.6 do Anexo I que *non se puntuarán os méritos de formación e experiencia profesional cando a persoa ou algunha das persoas seleccionadas sexan armadoras ou propietarias doutras embarcacións que xa posúen as modalidades de marisqueo con vara ou de recursos específicos no permiso de explotación.*

A persoa armadora da embarcación MAR NEGRO (CO-7-3069) é armadora doutras embarcacións que posúen a modalidade de marisqueo con vara ou de recursos específicos no seu permiso de explotación, polo que é este feito (ser armador doutras embarcacións, como recoñece o interesado no escrito de alegacións), o que provoca que se lle outorguen 0,00 puntos nos apartados B1: Experiencia profesional do armador e B5: Formación da persoa armadora.

- Desestímase a alegación da persoa armadora da embarcación NANO (CO-7 – 2458), xa que xunto coa solicitude de participación neste proceso selectivo, a persoa solicitante achegou o documento denominado *Informe de despachos* emitido polo Distrito Marítimo de Noia o 28.11.2025 no que figuran os despachos da embarcación NANO (CO-7 – 2458) entre os días 01/10/2023 e 28/11/2025 que constan nos rexistros informáticos da Dirección General de la Marina Mercante, neste documento non figura ningún despacho en vigor no período en que manifesta que tivo enrolada unha persoa do sexo feminino, polo que non se pode puntuar ese período.

7. Este departamento territorial é o órgano competente para o outorgamento da modalidade de recursos específicos no permiso de explotación das embarcacións de conformidade co establecido no artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior,

RESOLVO:

1. Facer publica a embarcación seleccionada e a súa persoa armadora, así como a lista das embarcacións non seleccionadas, ordenada polas puntuacións obtidas, no proceso selectivo para o outorgamento da modalidade de solénidos no permiso de explotación de embarcación ao abeiro do plan de xestión de solénidos da Confraría de pescadores de Noia (anexo I).

2. Outorgar a posibilidade para optar á modalidade do recurso específico solénidos coa única asignación posible de dúas (2) cotas para mergulladores/embarcación no permiso de explotación á embarcación seleccionada que se indica a continuación:

CONFRARÍA	EMBARCACIÓN	MATRÍCULA E FOLIO	TITULAR DO PERMISO DE EXPLOTACIÓN
Noia	NANO	CO-7 – 2458	Francisco Manuel Villar Castelo

3. A obtención da modalidade e adjudicación final do número de cotas á embarcación, dependerá das persoas que teña enroladas á vista do rol de despachos da embarcación coa

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal



dotación da tripulación enrolada nela e das certificacións profesionais. Dita solicitude terá en conta o número máximo de tripulantes que a embarcación pode enrolar (Certificado de conformidade).

Ademais, de acordo con disposto na *Resolución do 18 de maio de 2020 da Dirección Xeral de Desenvolvemento Pesqueiro pola que se modifica a Resolución de 4 de maio de 2016* pola que se aproba o baremo, o outorgamento da modalidade de recursos específicos realizarase entre persoas armadoras solicitantes asociadas á entidade titular do plan de xestión.

Para a comprobación do indicado nos parágrafos anteriores, as persoas armadoras das embarcacións seleccionadas disporán dun prazo de quince (15) días hábiles, contados desde o seguinte ao da publicación da presente resolución para presentar a seguinte documentación:

- Rol de despachos actualizado da embarcación coa dotación de tripulación enrolada nela.
- Certificacións profesionais que correspondan ás persoas tripulantes enroladas, agás no suposto de autorización expresa por parte das persoas tripulantes á Consellería do Mar para a consulta das certificacións profesionais expedidas pola Consellería do Mar. A autorización expresa para a consulta destes datos realizarase empregando o anexo X da Orde do 30 de decembro de 2015.
- Certificación da confraría de pescadores, titular do plan de xestión, respecto da pertenza da persoa armadora como asociada á entidade para a que se outorga a modalidade de acordo co reparto de participación asignado a cada confraría no plan de xestión. Non será necesario en caso de autorización á Consellería do Mar para a súa consulta.

De acordo co disposto no Decreto 425/1993, do 17 de decembro e a Orde do 30 de decembro de 2015, as embarcacións seleccionadas que presentasen a documentación dentro do prazo establecido deberán cumprir ademais cos seguintes requisitos para a obtención da modalidade no permiso de explotación e das cotas asignadas:

- a) Ter menos de cinco artes ou modalidades no permiso de explotación da embarcación. No caso de ter cinco, deberá xustificarse a renuncia a unha delas.
- b) Non ter sancións firmes en vía administrativa en materia de protección de recursos mariños, pendentes de pagamento.
- c) O/A armador/a da embarcación non poderá ser titular dun permiso de explotación a pé para recursos específicos, debendo renunciar a este no momento da obtención da modalidade.

Se a embarcación seleccionada cumpre os requisitos expediráselle o novo permiso de explotación onde quedará reflectida a modalidade e o número de cotas asignadas (coa única asignación posible de 2 cotas).

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal



O artigo 14 da Lei 39/2015, do 1 de outubro, do procedemento administrativo común das Administracións Públicas obriga ás persoas xurídicas a relacionarse a través de medios electrónicos coas administracións públicas e o artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional.

Polo tanto, a documentación indicada deberá presentarse por vía electrónica a través do formulario normalizado de achega de documentación adicional dispoñible na sede electrónica da Xunta de Galicia (<https://sede.xunta.gal>), dentro do procedemento aberto PE401L. Para a presentación da documentación será necesario o Documento Nacional de Identidade electrónico (DNIe) ou calquera dos certificados electrónicos recoñecidos pola sede da Xunta de Galicia.

Se dentro do prazo fixado a persoa armadora seleccionada non presentase a documentación ou do exame dela se deducise que carecen dalgún dos requisitos sinalados na base 1.2 da convocatoria, entenderase que desiste da súa solicitude. Neste caso, emitirase unha nova resolución modificando esta, declarando seleccionada a embarcación e persoa armadora que figure na lista de embarcacións non seleccionadas por orde de puntuación, polo desestimento da persoa armadora que non presentou a documentación ou carece dos requisitos.

A presente resolución publicarase no taboleiro de anuncios do departamento territorial da Coruña e na páxina web <http://www.mar.xunta.gal>. A resolución tamén se exporá, con carácter informativo, nos taboleiros de anuncios da Confraría de pescadores de Noia.

Esta resolución notifícaselle á confraría de pescadores de Noia, como entidade responsable do plan de xestión, consonte ao artigo 40 e seguintes da Lei 39/2015, de 1 de outubro.

A directora territorial
María José Cancelo Baquero
(asinado dixitalmente)



ANEXO I

Lista definitiva de embarcacións admitidas (seleccionadas e non seleccionadas) no proceso selectivo para acceder á modalidade de solénidos no permiso de explotación de embarcación ao abeiro do plan de xestión de solénidos da Confraría de pescadores de Noia

Embarcación seleccionada									
CFPO	Embarcación	Matrícula e folio	Experiencia profesional do armador (B1)	Habitualidade da actividade pesqueira (B2)	Antigüidade da embarcación (B3)	Número de artes (B4)	Formación da persoa armadora (B5)	Ter mulleres enroladas (B6)	Total puntos
55622	NANO	CO-7 2458	1,56	2,00	3,00	3,00	3,00	0,00	12,56

Embarcacións non seleccionadas									
CFPO	Embarcación	Matrícula e folio	Experiencia profesional do armador (B1)	Habitualidade da actividade pesqueira (B2)	Antigüidade da embarcación (B3)	Número de artes (B4)	Formación da persoa armadora (B5)	Ter mulleres enroladas (B6)	Total puntos
55767	RAFA	CO-7 2903	0,00	2,00	3,00	3,00	3,00	0,10	11,10
57161	BARCO	VILL-2 3-91	0,00	0,50	3,00	3,00	3,00	0,40	9,90
51977	BONI BONI	CO-7 3539	0,00	2,50	3,00	2,00	1,00	0,00	8,50
55400	MAR NEGRO	CO-7 3069	0,00	2,50	3,00	3,00	0,00	0,00	8,50
57432	NENA UNO	VILL-2 4484	1,04	2,00	3,00	1,00	1,00	0,00	8,04
55746	ROSITA	CO-7 2078	0,91	2,00	3,00	0,50	1,00	0,00	7,41
55703	BEBEL	CO-7 2973	0,00	0,00	3,00	3,00	1,00	0,00	7,00
24857	FURACAN	CO-7 7-00	0,91	2,00	0,00	0,50	3,00	0,00	6,41

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal



55336	PACUCHO	CO-7 2457	0,00	0,00	3,00	2,00	0,00	0,00	5,00
55091	PINZON	CO-7 2694	0,00	0,00	3,00	1,00	0,00	0,00	4,00
51432	SARGO	VILL-1 4550	0,00	0,00	0,00	1,00	0,00	0,00	1,00
100659	A MIÑA NAI	CO-7 5-23	0,00	0,00	0,00	0,00	0,00	0,00	0,00

Os epígrafes de cada columna son: (de acordo co apartado B do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro).

- **TOTAL puntos:** puntos acadados en total.
- **B.1: Experiencia profesional no sector da persoa armadora da embarcación.**
A puntuación máxima total que se poderá obter nesta epígrafe será de 3 puntos.
 - **Ter sido titular dun permiso de explotación a pé para recursos específicos** nos 2 anos anteriores á data da convocatoria: **1,5 puntos por ano completo.**
 Non se terá en conta este aspecto cando a perda do permiso de explotación fose como consecuencia de sanción en materia de protección dos recursos mariños ou incumprimento das prescricións ou requisitos establecidos no plan de xestión.
 - **Ter estado enrolado/a como mergullador/a en embarcacións que contan coa modalidade** do recurso específico de que se trate no seu permiso de explotación nos 2 anos anteriores á data da convocatoria: **0,13 puntos/mes completo** sempre que a embarcación rexistrase actividade pesqueira e vendas para esa modalidade.
 Non se computará o período de tempo en que a persoa armadora estivese en situación de incapacidade temporal.
- **B.2: Habitualidade da actividade pesqueira. A puntuación máxima total que se poderá obter nesta epígrafe será de 3 puntos.**
 - **Vendas na lonxa ou centro de venda autorizado da embarcación.**
 Cando nos dous anos anteriores á data da convocatoria, o volume de vendas da embarcación teña un importe superior ao salario mínimo interprofesional para cada tripulante: **2 puntos**
 Para os efectos de computar as vendas descontaranse só os períodos de tempo en que a embarcación estivo inactiva por causa de forza maior, e cando a/as persoa/s solicitante/s non fosen armadora/s da embarcación (segundo o permiso de explotación).
 Para o cálculo do salario mínimo interprofesional terase en conta a información relativa ás vendas en lonxa ou centro de venda autorizado que conste en poder da consellería, así como o rol de despachos e dotación.
 - **Período de actividade da embarcación (registro da actividade pesqueira)**
 Cando nos dous anos anteriores á convocatoria a embarcación rexistrase actividade pesqueira e teña asociadas vendas en lonxa ou centro de venda autorizado:
 - a) Por un período superior a 18 meses: 1 punto.
 - b) Por un período comprendido entre 6 e 18 meses: 0,5 puntos.
 - c) Por un período inferior a 6 meses: 0 puntos.
 Non se terá en conta o período de tempo en que a/as persoa/s solicitante/s non fosen armadora/s da embarcación (segundo o permiso de explotación).
- **B.3: Antigüidade da embarcación nun porto base incluído no ámbito territorial das/s entidade/s titulares do plan de xestión.**
 Cando a embarcación teña un porto base incluído no ámbito territorial da entidade titular do plan de xestión durante un período de 2 anos anteriores, inmediatamente anteriores, á data da convocatoria, e sempre que durante todo este tempo as persoas solicitantes fosen armadoras da embarcación: **3 puntos.**
- **B.4: Número de artes ou modalidades incluídas no permiso de explotación da embarcación na data da convocatoria:**
 - 1 arte/modalidade: 3 puntos.
 - 2 artes/modalidades: 2 puntos.
 - 3 artes/modalidades: 1 punto.
 - 4 artes/modalidades: 0,5 puntos
- **B.5: Formación da persoa armadora da embarcación. A puntuación máxima total que poderá obter nesta epígrafe é de 3 puntos.**
 - **Actividades de formación (cursos, seminarios e xornadas ou asimiladas).**
 Valoraranse as actividades que foron recoñecidas como mérito para acceder ás modalidades de recursos específicos e que figuran inscritas no catálogo de actividades formativas aprobado por Resolución do 06.05.2025 da Dirección Xeral de Desenvolvemento Pesqueiro na data da convocatoria.
 Non se computarán as seguintes titulacións ou certificados profesionais: mariñeiro pescador, formación básica, certificado de mariscador/a, certificado de percebeiro/a e certificado para a extracción de recursos específicos con técnicas de mergullo.
 Cando unha actividade formativa teña varios niveis, só computará aquela que permita acadar a maior puntuación.
Titulación académica.
 - Graduado/a en ESO ou equivalente: 0,15 puntos.

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal





- Bacharel ou equivalente: 0,25 puntos.
- Diplomatura universitaria ou equivalente: 0,35 puntos.
- Licenciatura universitaria ou equivalente: 0,5 puntos.

Só se valorará a titulación académica superior. Para os efectos de equivalencia de titulación, só se admitirán as establecidas polo Ministerio de Educación, Cultura e Deporte.

Ademais, engadirase 1 punto máis á valoración obtida na titulación académica cando a persoa solicitante posúa algunha titulación profesional regulada de acuicultura ou

- náutico-pesqueira, así como a formación non regulada, de patrón de pesca local, patrón costeiro polivalente e capitán de pesca.
- **B.6: Ter persoas enroladas do xénero feminino. A puntuación máxima total que se poderá obter nesta epígrafe será de 2 puntos.**
Por ter enroladas persoas de xénero feminino na embarcación nos 2 anos anteriores á data da convocatoria: 0,1 puntos/mes completo, sempre que a embarcación rexistrase actividade pesqueira e vendas.
Non se computará o período de tempo en que a persoa estivese en situación de incapacidade temporal.

